

Handwritten text in a cursive script, possibly Latin or German, located in the upper left corner of the page.

Faint, mostly illegible handwritten text in the center of the page, possibly including the word 'Vogel'.

1980
L
1051



6

C. e. 12

oo 7e

~~Script. lat. recent. in Quarto
No 23~~

2 N. 7.

~~12. 2. 17~~



Anno 1561

Joannes Emper est possessor
hujus libelli

odore: Bignis
Crispinus in parvis satis, ad manera vorantur
Congrua que pueris, res infansque vno est

11



1

Lodouici Bigi pictorij Ser
uariensis Christianorum opus
culoz liber prim^o Joani Fracil
co pice miradule comiti Cōcordie dedicatus

paris L. B. C.

Paruū opus ē. s3 forte sua breuitate putabis
Gradius. e terris stermit ad astra viam



Hecht
1740
v. 1420

Lodouici Bigi pictorij Ferrariensis Chri-
stianorum opusculorum liber primus / Joāni Frācisco
pico mirandule Comiti Concordie dedicatus.

Excusat se: q̄ poeticis figmentis ac vocabulis inter-
dum vtatur in opere Christiano Opusculum primū.

NSpera si quondā martis tibi castra sequenti
Nostra dioneum musa dicauit opus:
Queq; repētino chartis dedit orsa tumultu
Unde ea deductum pagina nomen habet:

Hunc cum sola tibi sit cura reuoluere libros:

Quos Francisce sua Christus in ede probat:

Que nuper sanctis de rebus opuscula cudi:

Auspicio in lucem / quis vetet ire tuo:

Si qua pias insunt ledentia forsan aures

*forfitans legem
dum est*

Flomina: et a nostra diffugienda fide:

Scribenti ignoscant carmen: nec verba recondant

Dente: sed ex illis candida sensa legant.

Sic legitur purum de terre sordibus aurum.

E spina molles asperiore rose.

Stamina parcarum: circeaq; rideo monstra:

Sceptraq; fortune: collaq; trina canis.

His tamen interdum figmentis vtor: vt inde

Quod volo: sit leuior significare labor.

Sic tamen vt nullo (quod nozim) crimine possit

Christicole offendi religionis honor.

Sit memor hic lector: q̄uis crucis arma feramus:

Dore poetarum nos aliquando loqui

Et mea profuerint si cuiq; carmina: primum



80 L 1051
MK

L57

Reddatur magno gratia summa deo.
Dehinc tibi fuerit ^{latus} latus: cuius opuscula sumptus
Hec impressa virum multa per ora volant.
¶ Eidem opus ab inuidis defendendum cōmit
tit: et inuidiam notat ij.
Siquibus officijs tibi sum pice optime vinctus
Pondero: nulla bilanx tam graue tollit onus.
Si: quo te vereor: describere nitor honorem:
Par desiderio nulla tabella meo est.
Si de te longis aueo preconia chartis
Texere: mortalis nil tibi fama placet.
Non cupis: et nequeo gemmas donare nec aurum
Perq; vias lateri semper adesse tuo.
Doctus es: et firmo Christi inflammatus amor:
Ergo tibi presens mitto decenter opus.
Doctus in exiguis solet instaurare libellis
Pectora grandiloquis fessa voluminibus.
Quiq; dei est cultor: libros diuina loquentes
Verba: libens omni sedulitate legit.
Siquis liuor opus tentabit: protege: quo me
Et mea tutari roboze iura soles.
Quale sit inuidie monstrum: quo militet astus
Absq; mala raro noscere sorte datur.
Eminus impugnat: tenuiq; ferire susurro:
Autibus et minimis precipitare solet.
Hanc bene lerneæ pestem assimilaueris hydre:
Uno etenim abscisso guttura multiplicat.
Irrita mordendi si cesserit vna facultas:

A ij

Sese offert nulla multa caterua mora.
Ambiguum persepe facit: quo murmure primum
Lividus in laudes alterius blateret.
Difficile est medico morbum sanare latentem:
Pestifer in tenebris inuidus arma mouet.
Versatur circa grauiora negocia virtus:
Pondera quanta tibi sint subeunda vides.
Contra hominum morsus me defendisse feroces
Fortiter: exigue non tibi laudis erit
Sic: quod agis / summa vitam integritate gubernes
Semper: et extincto detur in astra vehi

¶ Alberto gratulatur: q̄ perditionis via relicta
Christiane doctrine studeat iij.

Q̄uā vellem totidē in linguas mea mēbra resolui:
Atq̄ mibi voces ex adamante dari:
Ut tibi possem aliqua pro parte retexere: quantum
Sint mea profectu pectora leta tuo.
Ad quodcunq̄ velit / diuine spiritus aure
(Uel si bruta loqui iusserit) afflat opus.

*Paulus p̄sonator Ep̄st̄
Ano 1511*

Matthaeus solanus

Petrus piscator

Christicolas paulus terrarūq̄ marisq̄ premebat:
Factus et est Christi prima repente tuba.
Obutus insano lucri mattheus amore:
Excitus exigua voce reliquit opes.
Retia et affectum pariter semouit habendi
Petrus: et est alijs vsus in ede plagis.
Deniq̄ ne multis mozer: idem spiritus in te
Ostendit vires satq̄ superq̄ suas:
Turbores adeo lasciuia poemata: non te

Conspiciant

Consuerant stomachum casta mouere tuum:
O bene quod factum est: valeant impura: natetque
Pagina: que Christi religione vacat.
Infelix nimium: molles quicumque libellos
Ludit: in exitium conflat is arma suum.
Heu quoties proprio iacui percussus ab ense:
Et nocuit domino musa diserta suo.
O: utinam emissos possem reuocare tumultus.
Atque dionci triste furoris opus.
Illa suo melius flammam auctore subirent:
Charta nihil medio sentit in igne mali.
Quisquis habes libros a me auspice amore profectos:
Scriptave spe vane carmina gloriolae:
Verge per inuicti rogo te sublime tonantis
Flumen: et hec veteris sit noua musa loco.
Ac ne te retrabant primis contexta libellis
Pauca citri forsan tortice digna regi.
Huc ea transtulimus: tabulisque locata supremis
Inuenies: rapidis cetera dentur aquis.
Tu vero sequere inceptos Alberte labores:
Atque capax imple: quod potes: ingenium
Fortunate nimis: quantum sinit aspera vite
Tempestas: tecum nocte dieque manes:
Inque dies magis atque magis tua proficit etas:
Et preter Sophiam cuncta aliena putas.
Sanctam inquam Sophiam gratamque colentibus astra:
Non quali Boree pectora more tument
Summum finge bonum residere cacumine montis.

A iij

*Modum q' bonis
opus facit*

Qui cepit: mediam creditur esse viam.
Quod reliquum est: omni presta superare labore:
Forte gradus aliquot construet istud opus.

persta

De meditatione in sex diuisa gradus iij.

Seu video solem ferri: celumve rotari i.
Stellatum: aut subitas vndare per aera nubes:
Seu varios meditor flores: diuersa ve saxa:
Pendentemve suo tellurem pondere: siue
Perpetuos fontes latices: estusve profundis
Ac demum quocunq; oculos: animumve reflecto:
Obruit ingenium diuina potentia nostrum
Maior et est qm mente capi queat. illa iugosos
Appendit montes: numerum cognoscit arene/
Vestit et autumnum pomis: et frugibus ornat
Estatem: glaciataq; hyemem: durasq; resoluit
Vere niues: nudosq; facit reuirescere ramos.
Quod leo supplicibus parcat: q' ouile molossi
Defendant: nulloq; lepus mare gignat: et vsq;
Lambendo forment catulos: ceruicq; latebras
Exquirant lenti prepingui corpore: et equos
Tranantes capita imponant hic illius alter
Elunibus alterius / redeantq; ad terga vicissim
Quodq; homines sapiant: serpatq; tenaciter angues
Quodq; natent pisces: nozintq; volare volucres:
Fluminis est vnus opus. quota pars ego reru iij.
Quas deus effinxit: nulloq; labore gubernat:
Si tellus punctum celo collata videtur:
De ne aliud / nisi inanē atomū aut nihil esse putarime

Et tamen o summi

Et tamen (o summi bonitas immensa tonantis) 176
Tancillum in magnis tu rerum summa potestas
Delicijs retines: et vis mihi seruiat axis
Stellifer: et victum dicit terra: animeque salutem
Zelotypus curas: et me tibi iungere querens
Sputa / alapas / spinas / ac flagra / crucemque tulisti.
At ego quid contra refero tibi: pro pudor: ut te 177
Laudarem: et possem monitus audire fideles:
Utque ego perpetuo te contemplerer: et vni
De tibi subijcerem: et fugerem nocitura: dedisti Apparet vni pro libro
arbitrio positam esse
Vim mihi: precipuum munus sermonis / et aures:
Erectamque oculorum aciem: mentemque capacem.
Te tamen opprobrijs: dirisque laessere verbis
Illicitis miscere iocos: obscena canenti
Larina blandiri / et ludos spectare pudendos:
Resque sequi: et summo studio coluisse caducas
Erubui nunquam. quo me miser insequar ore: 178
Quo pacto me pro meritis odisse nefandis
Sat potero: dignemque meam deflere ruinam:
Diroz: et attonita ceu cautes hereo mente:
In caput hoc nondum trifidas erumpere flammis
Innocuis iam parce iugis: et turribus altis:
De pete: et in tenues mea membra resolve fauillas:
Aut mihi fas fuerit gladio dirumpere pectus:
Aut atros gelide succos haurire cicute:
Siue capistrato me de trabe mittere collo.
De miserum: cur ex utero me protulit vnquam
Ebara parens: utinam in medijs fera pessima cunis
A 179

Visceribus saturata meis foret: o ego dignus
Nec pedibus deforme solum calcare: nec ipsos
Suscepisse polos: fateor rex maxime regū vi.
Illecebris studuisse nimis presentibus: et te
Innumeris lesisse modis: sed ponere finem
Constitui sceleri: et vitam emendare priorem:
Neque licet stygias esses missurus ad undas:
Idque mihi notum fieret: te preter amabo
Nil tamen: atque tibi posthac placuisse relictis
Omnibus enitar: nullique vocabo quieti:
Donec erunt nostro vitales pectore flamme
¶ Sacre scripture non vacasse dolet Ad Frānciscū v.
Antremit os: crepitant dentes: et more micantis
Luciferi rutilant oculi: vultumque vicissim
Et rubor et palloz variant: et corde tumentis
Irascor mihi met: qui captus mente reformem
In melius nunquam vitam: multosque per annos
In preceps patiar ferri: peneque nocentum
De nihil ad superos reuocent: iaceamque sepultus
Viuus: et erectos mihi quos ad sidera vultus
Rerum opifex dederit: pecudum velut vna deorsum
Usque geram: fixaque solo mens fronte superne
Logitet haud quicquam patrie: que lumine cassum
Sola potest hominem vita donare perenni
Nei mihi (parce tua quod dixerō) penitet eum
Consumpsisse meum: tibi dum placuisse laboro:
Arteque pieria studeo pro viribus aures
Oblectare tuas: potuissem mente capaci

Disce Christole verisimile

Discere Christicole verissima pabula gentis
Testamenta dei: reliquosq; euoluere libros:
Quos habet in precio Romana ecclesia: quiq;
Astrigere pandunt mortalibus atria celi.
Amisi virides annos: pariter ne senectam
Amittam: veteresq; vias sequar: et mea nunq;
Incipiam ventis subducere vela malignis:
Jam satis erratum est: sat me cirrhea fefellit
Gloria: nunc nitida mea cingi tempora lauru
Nec volo / nec cupio / nomenq; recuso poete
Da veniam tu: qui celsa de sede potentes
Deijcis: et ditas inopes: semperq; quietus
Plurima perpetuo peragis. mora nulla repulsam
Abs te perpetitur. postbac ex fructibus arbor
Fac tua dignoscar. nec auara libido: nec etas
De damnet rugosa senem permitte salacem.
Diuine sum testa rote: miserere: tuumq;
Undiq; rimosum gypso vas stringe fideli.
Porrige iam ramum fesse errantiq; columbe:
Ne cadat inuenta nulla statione sub vndas.
Nil aliud nisi diluuium est hec vita procellis
Perpetuis plenum: roboant fora litibus: hostes
Excultos predantur agros: stygijq; simulas
Fronte aliud referens / aliud sub corde volutans:
Et proprie tribuens nimis indulgentia vite.
Parte alia victric sacrarum audacia legum:
Et metus effusi grassatur sanguinis auctor:
Hic latitat socijs herens discordia sceptris:

*Iuxta illud Sapientis potentis
Se fide & exaltantur humiles*

*Mulieris est vita fons
sup. vnde*

Ebrietasq; ignara sui: letaleq; virus
 Dollicies: luxuq; fluens iactantia: et illic
 Ambitio subtile malum: merensq; secundis
 Inuidia: et cecis comitata furoribus ira:
 Et scelerum radix / latet ^{pa} ignorantia veri.
 Quis poterit tam multiplices euadere pestes:
 Quis nisi ^{sanas} ^{bens} cul sentes illuxeris inter opacos. *A. Montecarus*
 Et certum monstratis iter. tua pagina cantat
 Qui sitit / ad fontem veniat / sitis arida fauces
 Occlusit iam pene meas. mihi copia detur
 In celum salientis aque: veterumq; viarum
 Ebrius ethereo nequeam meminisse liquore,
 Tu quoq; ut hos ^{hanc aquam nuncupat rorantem} sitias latices Franciscæ cobortor
 Spiritus assumptis aquile tuus ethera pennis
 Jam petat affectu terre post terga relicto.
 Nec licet a teneris quisq; male vixerit annis:
 Defecisse decet / neq; desperare salutem
 Nam si peniteat scelerum: et meliora sequatur:
 In rectam poterit velo euasisse reflexo:
 Sicut enim male viventem nil iuuat ipsa *Unosq; rorantem est*
 Exacte probitas vite: nam cuncta repente
 Flora superueniens merita obruit: haud ita: si quis
 Facta profanate ^{corruerit} corruerit impia vite: *A. corruerit*
 Officit huic labes antiquior: omnia namq;
 Iusticie subito ^{sordida & rorata illata & obrepata} accessu cenosa lauantur. *pro*
 Heu desiderio percas deceptus bonorum
 Illecebrisq; elusus opum: meditare beatos
 Duci inopes: tumidaq; nihil cervice gerentes:

*Si sic hystis
 versus constabit
 Et male videntem
 proorsus nihil ipsa
 inuitabit*



Perq; foramen acus posse aptius ire camelos.
Quam gaza suffulti homines celestia regna
Conscendisse queant. vix pastus Lazarus olim
Diuitis e micis epulas nunc inter opūnas
Eternum exultat: sitiens rogat ille parumper
Diues aqua refici / q̄ detestabile dire
Crimen auaricie est: nec enim: dum vivit auarus
Ere frui parto valet: et post funera semper
Esurit: indomitaq; siti tabescit: et ardet
Inconsumptus: egens opis: et solaminis expers
Sed bene tecum agitur: q̄ eo satius esse videris
Ingenio iuuenum fortunatissime princeps:
Ut licet eximios fueris sortitus honores:
Fortunasq; tibi pater accumulauerit amplas:
Pulchrius esse tamen credas non ire leuata
Fronte: nec indignis plebem traducere ronchis.
Teq; putes magis (et merito) virtutibus esse
Ornandum q̄ diuitijs. opulentia namq;
Immortale nihil parit: et leuis occidit instar
Fulguris: at virtus: vt in omnia secula viuas.
Efficit: et nullam timeas a peste rapinam.
Hec est: quam dominus (licet arcta sit) esse profatur
Ad vitam Franciscę viam: quam para frequentat
Turba / q̄ insolito virtutum calle videtur
Aspra nimis: gaude o iuuenes: qui mollibus annis
Leperis hoc robustus iter: clausisq; labores
Auribus enerues Sirenum enadere cautus.
Te nec enim iuuat in blandis torpescere plumis:

Lazarus mendicū

*apud pariter
amort*

*pro Asparna
pro Sirena*

Iam

Nec iuuenum de more leues agitare choreas:
Nec nutrire comas humores in utrosque fluentes:
Etatis nec floze tumes: quem flamine noxis
Posse vel exiguo languescere: qualis in agro
Flos cadit ex facili feni: perge optime: perge
Dacte animo iuuenis: tantoque ardentius instas
E stadio restat quanto minus: utere totis
Viribus: inque dies stimulis grauioribus vige
Quadrupedem: nulli victricia premia dantur:
Nisi prius ad iusse peruenerit ultimamete.

¶ De Episcopatus dignitate nicaulo gratulatur:
et quid cum deceat ostendit.

Urba ne nostrorum tandem celeberrima vatium
Impertire tuas nobis dignabitur aures:
Sratarique humilem celso patietur honori
Lallio pen: letosque tibi diffundere cantus:
An potius sacrum statuit siccare liquorum
Ab saltem liceat de putri lambere limo:
Humoris pars sicca latet / sitis / unde ministres
Pocula: non magni facit arida: dum modo possit
Expleri. scio te pridem Ficaule fuisse
Diratum: quod nostratus in honoribus esset
Duta chelys: timuit sese miscere disertis
Vatibus. at longo multoque coacta pudore
Denum opus est aliquid canat: et de littoze in altum
Hunc mihi soluendum est. borea quid inertia torques
Lintea: quid fragilem iuuat oppugnare carinam:
Maiores decet antenuas validasque triremes

Conquassare: feris non nouit obesse pusillis:
Nec licitum putat esse leo. quibus oro laborem
Uocibus: interne quo pectine gaudia mentis
Explicuisse palam: tibi iam fortuna minari
Possumus: et iustas audaci pectore tecum
Conseruisse manus. te noster episcopus esse
Ne quicquid inuicto patefecit robore: teque
Posse homini subigi: nec sane diuite gaza.
Nec prece/nec proau consanguinitate superbi:
Sed magni candore animi / virtuteque semper
Uotum implente suum: nimia licet improba credas
Id fieri quandoque mora plebecula. si quis
Festiuos unquam patria celebrante triumphos
Sublatus magne fuit ad fastigia sortis:
Nunc opus est letas Ferraria laxet habenas:
Et largos struat in triuijs roboantibus ignes:
Perque vias flores / et olentem seminet herbam:
Et pictas chartas / et poma rubentia fune
Haud mora sit per tecta sacri suspendere templi:
Triticeosque inter grato volantibus orbes
Durmure bracteolis medios annecteramos.
Sis presto vir dare tuum peana canenti:
Utque alias tenui taceamus Apolline laudes:
Uix tibi qui vite par sit moderamine: quisquam est:
Aut qui muneribus dandis ita gaudeat: immo
Ne comes Astree dites exosa rapaces
Dunifico dea larga sinu petat ethera (fas sit
Uirtutem appellasse deam) prohibere videris.
B

Impetus hic nunc pene mihi est in sidera vimque
Fatorum clamare: quid (o facinus) ditantur avari
Imperitumque tenent soli plerumque: sepultos
Scilicet ut cumulos auri / frugumque reseruent /
Pauperibus fatale malum. sed ditibus ipsis
Pestiferum magis. hac siquidem quot priuat egestas
Luce inopes: totidem ratio de cede virosum
Ulto est reddenda deo a locupletibus: at nos
Parcamus fati: pariterque nitentibus astris:
Sat bene de nobis merita esse superque putamus
Preside te facto. tutare fideliter ergo
Jura tibi commissa: rudemque salubribus herbis
Pascere gregem. o rector summique creator olympi
Et maris acricque plage: terreque iacentis:
Omnia cui soli debent accepta referri
Que bona sunt: procerum et plebis et tibi nomine nostre
Immensas agimus grates: precibusque rogamus
Pluribus huic adsis: da simplicitate columbas
Da rogo serpentes imitetur acumine: nunquam
Hunc labor / hunc nunquam propensior vlla fatiget
Lura: nec estatis veter: aut iniuria brume:
Securas quin pascat oues: et si qua decerrat:
Querat: et inuentam gremio ferat: et sibi constet
Quicquid agit ratione regens. quam grandia presul
Pondera sint rerum tibi sustentanda frequenter
Inspice: non humiles humeros: nec tarda requirunt
Pectora: fertur Atlas celum gestare. quid Atlas
Is precor est aliud quam fortis episcopus: a quo

Telestis grauius cunctis ecclesia spheris
Sustentatur onus: non declinantibus vsq̃
Leruce atq̃ animo. tantis accingere fatis:
Teq̃ ipsum ad calamos ceu signum extare volentes:
Hereat vsq̃ animo: viuosq̃ excurrere riuos
Si viuas fons prestat aquas. te casside terroz
Diuinus / thorace fides te muniat: atq̃
Gratificis tua vellet amor precordia flammis.
Debile quicquid erit: solida: reparare labora
Perdita: fac reuoces errantia: firma tenaci
Mortare vt prestent nodo: timeantq̃ ruinam:
Stertere ni caueant vigilante perenniter hoste.
Id vero ingenio presertim auerte sagaci:
Ne pariat tumidas fastosa potentia cristas:
Inq̃ opibus tenuem placeat traducere vitam:
Quarum non dominum / sed te iubet esse ministrum
Majestas diuina. foue super omnia sacre
Doctrine cupidos: quibus est angusta facultas
Dandi operam studio. pro viribus effice: quicquid
Pontificis decet officium. tibi magna potestas
Est data: seruitio sed eam comitante: sed istud
Seruitium plus laudis habet: maioraq̃ confert
Præmia: pro quibus est animo: pede: voce: manuq̃
Usq̃ laborandum. valeas: breuibusq̃ tabellis
Parce pro cumulo ne dedignaris honorum.
Plura licet statuissem animo meminisse: tenere
Te metui vltèrius. sed et hec et cetera cum tu
Audieris primis etiam sat doctus ab annis:

B ij

Sim satis his nostrum tibi testificatus amorem.

¶ Omnia bona deo referenda / luxumq; fugiendū
esse docet Ad Ludouicum vii.

ME nisi decipiant vatū presaga futuri
Pectora vaticinorū summos instare tumultus:
Bellaq; letiferis dirimenda furoribus: ecce
Non frustra hinnitus grauis intonat: inq; lupatis
Sustentatus equus quatit indignatus habenas:
Opplet et incussum vocitantibus aera spumis:
Ac vni torum gestit sibi pandere campum
Frenorum dominus: nec scintillare videntur
Frustra oculi: erecteq; aures cupere era sanari:
Ventorumq; acres imitari prelia nares.
Fallimur: an sese diffundet in oppida tantus
Daumetana furor: subigetq; ferocia gentis
Lorda profanate: faucas rerum arbiter: vtq;
Dra Philisteo puer abstulit alta giganti
Grande breui robur te suppeditante lacerto:
Non aliter pueri nunc se exercentis in armis
Vi teneram firmare manum dignare potenti:
Nec sine tam longum pater o pater optime in eum
Sens infanda tui teneat loca sancta sepulchri.
Lerte ego: non vano mea numine corda mouentes
Hactenus effugi (licet hortarentur amici)
Heroa celebrare tuba ciuilia bella.
Hanc mihi materiam triplices sanxere sorores
Fatorum domine: seu (ne figmenta sequamur
Christicole) pater omnipotens: qui mente repositum

Quicquid habet: fatū est: qui summo cuncta gubernat
Consilio: et cuius sine numine nec mare feruet
Estibus alternis: nec tellus procreat herbas
Fleclenis in terram passer cadit: heu graue crimen
Heu nimium mens ceca hominū: qui viribus audent
Quicquid agunt proprijs ascribere: cum neq; verbū
Explicuisse: deo nisi concedente valerent.
At tu macte puer / seu Marte coegeris hostes /
Seu fama attonitos nostro parere tonanti:
Ipsius dextre refer omnia: teq; timorem
Crede / sed interea quoniam formare figuras
In varias potes argillam: cum saxeā nondum est:
Dum puer es: duris assuesce laboribus: utq;
Pestiferum virus: quantum potes: effuge luxum
Morbida non adeo cunctos pecus inficit agnos.
Hectotos vne liuentia grana racemos.
Ut viciat puerorum animos: et pectora furtim
Eneruat iuuenum lasciuā licentia: quin et
Uersutos capit illa senes: Campana voluptas
Ludibrio dedit Hannibalem Xerxisq; ruina
Hinc exorta fuit / quid tam miserabile: quid tam
Damnosum inuenies: cum virtus langueat omnis
Hoc vicio: et parti bello obscurantur honores:
Quid largos memorē: absumptos hoc crimine cēsus:
Quid varias morbi species: letiq; tremendos
Enarrem casus: valeant vnguenta / thoruscq;
Ignauo stratus genio / fuge balnea / noli
Intonsas coluisse comas / nec ventris amore
B iij



Alta iube maria euerti / terrasq; patentes:
Sed refer eluxu primos Lodouice triumphos:
Unde meum ex voto sumat primordia carmen.
¶ Cōiugio castitatē p̄fert ad Silbertū Barbetra viij
QUam redeunt abeuntq; grues: cum pascua cerui
Durantes procul abscedunt: cum flumina pisces
(Id quod credibile est) repetunt diuersa: sequuntur
Quem statuere ducem: nos in contraria semper
Humanum trahimur genus: electiq; relicto
Calle decerramus ducis: hic ceruice vagatur
Elata celsi furit ille cupidine regni:
Desipit hic odio segni iacet alter in ymbra:
Nec paucos seruire gule: innumerosq; videmus
Inuidia pallere graui: candescere multos
Deturbante animum bile: ac ne singula narrans
Ducat in immensum: cum virginitatis in ortu
Sit Christus permensus iter dux noster: ab igni
Cur veneris nos illicite permittimus vri:
Nec ego non tumidi cuperem / mihi plectra Baronis
Nec lituos o Smyrna tuos: sed abenea pauli
Buttura: et equantem seruore tonitrua vocem
Alma salutifere crucis ad vexilla trabendi
Ignaros populos. vix est puer editus: et iam
Femineis pulchrum esse putat se credere flammis:
Quinetiam fatui natos persepe parentes
Ecutos nondum tenero corallia collo
Connubio subigunt: quorum pars forsitan ingens:
Si tibi iure sui fas esset corporis vti:

Seruaret magno membra illibata tonanti
Parcamus pueris veniam Barbeta mereri
Tu ne putas: quem constituit sibi femina ludum
Et Raphia de more trochi detorquet habena
Nescio que: fuerit seu fictum Carpia nomen:
Sen sit ab opidulo deductum: te ne vacare
Credideris culpa: cum sis egressus adulte
Etatis iam pridem annos: resipisa parumper
Quantumque furens sit causa libido malorum:
Tecum agita: non vlla volant ita spicula. nulle
Sic celerant velis et multo remige classes:
Ut cito tartareos hominem detrudet in ignes
Insignis facie mulier: nisi criminis ante
Peniteat: quæ morte cadat. testabitur ille
Quem lapsum miserere mei cecinisse fatentur:
Testis erit Solomon domino peramabilis: atque
Humani primus generis pater. ergo age iam te
Collige: et excussam rediturus stringe carinam
Non pice sed lachrymis: non canabe sed stipe sanctos
Sustentante inopes: pudeat gestare corollas
Precipita virtute virum: foribusque minari:
Ancillasque via studio expectare loquendi
Quod si coniugij casto retineris amore:
Valuerim celebs ageres: seruire duobus
Nemo potest: dum plus equo placuisse laborat
Uxori: frigescit amor diuinus: et itur
Sepius in facinus: namque ut spectanda per urbem
Auratis eat illa togis: thalamoque superbo:

Tum peperit: iaceat: pictasq; argentea cunas
Vela tegant: furatur egens aliena maritus.
Difficile est nutrire inopem: perferre opulentam
Consortem est tormētum ingens: quodq; arbitror esse
Durius. haud cuiq; licet elegisse: tenenda est
Quaecunq; tulit casus: siue ore bilingui
Siue animo impuro: seu caligante cerebro.
Si quisq; est empturus equū si vasa probantur
Luncta prius. vitium vxoris post federa nullo
Dissoluenda modo cognoscimus. cuius oportet
Attendas faciem: celebres natale: tuamq;
Appelles dominam: natisq; tibiq; superstes
Exoptes voueasq;: et quos dilexerit illa
Hos inuitus ames memini: cum forte vagarer
Herbosum iuxta Eridanum querentibus vnco
Uxorem modo submersam vir flectere puppim
Iussit: et aduerso scrutari flumine: quippe
Quam solitam semper ferri in contraria nosset
Namq; sibi quodcumq; lubet: nisi fecerit: atq;
Obstiterit monitis desiderijsq; mariti:
Nulla salutari sese putat auspice nuptam.
Unde noua caros assumpta coniuge natos
Expellit genitor: cur si de pluribus vnus
Fratribus aut alter faciat sponsalia: nolunt
Dor habitare simul: socrusq; nurusq; vicissim
Cur se odio lacerant semper: romanus habebat
Uxorem quidam castam gazaq; potentem.
Ac forma egregiam: quam cum pepulisset. amico

Incusante: pedem protendens . forsan is inquit
Calceus esse tibi nouus excultusq; videtur
Flemo tamen queat excepto me noscere: qua me
Parte premat. si quid sociam celare cubilis
Institeris / subito in furias conuersa parabit
Insidias: q; fida parum videatur haberi.
Cum volet: aut vittas emere. aut crinalia siue
Pyridas. aut telas ve acus. si admiserit intro
Artificem: casto incipies timuisse pudori:
Si fueris prohibere ausus: vel iurgia surgent
Vel quod formidas: aget indignata . ferendum est
Socratis exemplo / quodcumq; peregerit vxor
Xantippem siquidem conuicia multa mouentem
Cum blande argueret: fedatus desuper vnda
Nil nisi deterso post tanta tonitrua dixit
Vertice se pluuiam non ignorante secutam
Tene piget solum esse domi fortasse: timesq;
Aegroto fore nulla tibi tutamina: tene
Dixeris aut rerum cura et ratione moueri:
Aut desiderio sobolis Barbetta teneri:
Vir sapiens licet in libycis habitaret harenis
Sine Boristenee gelido sub sydere gentis
Esse nequit solus: quod enim sibi corporis vsu
Non licet assequitur sublimi mente: disertos ^{habent} ^{secta}
Quotquot habens hec foeda viros ac prisca tulerunt
Cum lubet. alloquitur semper quummo vagatus
Hinc per syderei dispendia cuncta notatus
Ediscit: quanto iuuat inferiora vigore

L

Handwritten signature or initials in the bottom right corner.

Lynthia: cur medio: cur toto luceat orbe:
Cur media plus parte. minusve nihilve quid astrum
Martis agat/ quid Mercurij Venerisq; Jouisq;
Falciferiq; senis. q̄tum latous in herbis
Sol queat. aequoreos cur nata Lycaone fontes
Introisse timens nunq; occidat. vnde coruscet
Pleiadum soroz vna parum sed inania tantum
Quid sequor: astriferos transcendit sepius axes
Itq; dei in gremium: nec maiestate sub vna
Ignorat trinum contemplaturq; tonantem
Scilicet infirmo dolet is sibi grata deesse
Officia. et gazas cumulare laborat opimas
Cum nozic maiora deum dare premia: quo quis
Pectore perpeffus fuerit grauiora ferendo.
Adhice q; seruos poteris reperire fideles:
Qui tua non aliter noctuq; dieq; procurent
Predia: q; propriam studeant seruare salutem
Nec domino querant vllas imponere leges:
Leu coniunx morosa viro curabit amicus
Languentem maiore fide: nanq; vxoz vt esse
Se tristem simulet: conturbat sepe maritum.
Interdumq; suam desperans inde salutem:
Ante diem miser ille cadit: nec filius obstat:
Cum nimium vixisse patrem putet: adde dolores:
Quos patimur: cum nata fugit: cum pignora flentes
Efferimus, video q; ni falloz Apollinis estro)
Cur ita coniugij subito flagrare calore
Leperis in tantas te sponsa Laraphia flammae

Impulit: hinc similem. cum te miserande putaris
Esse reperturum non omni turtur in agro
Nascitur. et toto pbenix est vnica in orbe
Quod si te veneri non posse resistere dicas
Legitimo te trade thoro Barbetta: sed illud
Te monuisse velim: caueas: ne caecus amore
Coniugis (vt multi) fontes rapiaris ad vmbrae.

De compūctione .ix.

Samme parens: aeterna quies: et origo salutis
Et vitae lux vna meae: tibi gloria soli
Debetur: te regna timent cocytia: teq;
Terra iubente tremit: reprimuntq; ferocia venti
Sibila: et angelice seruant tua iussa caterue
Ast ego te patrem ceu dedignatus. adhesi
Taenario regi: vanamq; superbus vt auram
Captarem: nullos renui tolerare labores:
Cumq; tuos equum celebrare fuisset honores:
Froia maluimus cantare cupidinis arma:
Glorioleq; auidi subitos aperire tumultos
Dentis Apollinei stimulate numinis estro
Quam melius rudis herbosos armenta per agros
Duxissem pastor: durasue colonus aratro
Sulcasssem terras. nocuit solertia: meq;
Perdidit ingenium: quo: mens nisi leua fuisset
Par erat: vt veteri fugerem tibi teste notari:
Te geniti .multosq; dedi tibi largus honores:
Ad domini presepe sui cum noscat asellus
Munera tu nunq; mea percepisse videris.

L ij

Confiteor nimis ingratum me Chriſte fuiſſe
Erroresq; meos numerum transcendere arene
Sed cum preſtiteris mihi te vice patris: an vllam
Conuenit: vt tanto ferat a genitore repulſam
Filius: et caſſas effundat in aera voces
Pendenti tecum ſcio te ignouiſſe latroni
Quiq; ter adiurans te cognouiſſe negauit
Promeruit veniam: et meretrix: tibi que fuit olim
Auſa lauare pedes lachrymis: et tergere crine
Ecce cruentate iaceo crucis ante tropheum:
Jam precor in largos aperi mea lumina riuos:
Imbribus his tellus anime madefacta / bonorum
Fac pariat fructus operum. varioſq; benigno
Ubere virtutum flores: deturq; reatus
Hinc delere graues. et ſaluis mercibus ire
In patriam per aquas oculorum e fonte cadentes
O foelix vena et verius fragrantior hortis:
O fons vtilior. fuluoq; potentior auro:
Tu ſordes anime purgas: tu deſtruis omnes
Inſidias: tu magna tuis incendia carnis
Fluctibus extinguis. prohibeſq; reſurgere motus
Illicitos: nutuq; oculi potes atria coeli
Scandere: et inuictum trahere in tua vota tonantem
Si lateris fleui aut capitis ſtomachiue dolore
Sepius: aut aliquam grauiter ſuccenſus in iram:
Lentus ero in lachrymas vitijs mea corda leuantes
Deu quid id eſt: que flere vetat me dira poteſtas:
Inuitoq; mihi gemmos obturat ocellos:

De nerigare pudet nunc ora salubribus vndis:
Qui nihil erubui: nec voce procaciter vti
Nec te arte oppugnare omni mens inde gelata
Nimirum optatos nequit elicuisse liquores.
Sis presto pater omnipotens: et flumina nostris
Excute luminibus. quo viuas auspice **D**oses
E petra deprompsit aquas non deserit ales
Pullos foeta suos: licet irriteretur ab illis
Saepe offensam pietas cum sufferat omnem
Nonne tuum pater est misereri: non redemptus
Abs te morte fui: longinquis exul in oris
Hactenus erravi: redeunti ignosce: iubeq;
Ut stola prima mihi reddatur et annulus: atq;
Calceus: et quoniam sub corde latentia nostis
Omnia fac nostrae succurrant crimina menti.
Ut simul illa quibus potero / deflere querelis
Digneris multo vitulum mihi tradere pingui.

¶ De Prudentia Ad Titum r.

Quo raperis miser a sensu: rationis vt expers
Et pronum in terras animal: num dedala circe
Transtulit in pecudem magicis tua corda venenis:
Quo iubet: affectus te distrahit: inq; sinistris
Dens desiderijs plerumq; moratur: et audet
Qua nulli licet ire: via prozumpere: q̄uis
Immineant dubie diuersa pericula vite
Quam melius Tite serpentis sumpsisse figuram
Dehinc fuerit. ne precipitem vitiosa libido
Te ferat: et cupias: quodcunq; videtur ocellis

Esse bonum aut pulchrum sub nectare sepe venena
Dira latent. turpesq; inter serpillia rubete
Humani proprium generis prudentia donum est
Qua si quis careat: brutum magis esse putare
Iure queas: q̄s verum hominem quin dignior ipse est
Signari digito. maiorq; labe notandus
Nature ius omne sue fera seruat: et ales:
Degenerant homines propria ratione vacantes
Eia igitur longa ne consuetudine gressum
Si nimius reuocare labor: te corrige: teq;
Solerti rege consilio: si naufragus esses:
Nonne pedes quater es geminos et vtrosq; lacertos
Sospite vt hac littus posses attingere vita:
Que tamen aut sero. aut citius reddantur: oportet
Cum data prescripto fuerit tibi tempore: et istud
Hac ingressus iter sis conditione: vocatus
Ut semel hinc abeas: ast: vt tibi viuere detur
Eternum: noles resipiscere: quodq; futurum est
Sublimi ceu de specula vt prenoscere possis
Præteriti memor / et presentibus vt decet vti
Non aluisse voles: neq; te sudasse iuuabit:
Hauta bonus nisi præspiceret procul vndiq; pontum
In scopulos rueret: sic: qui ventura reuoluit
Nuncq; animo: incautis per mille pericula velis
Fertur: et ex facili breuib; summergeitur vndis
Ut manus est eadem: seu corripatur in arcum
Seu latam in palmam protenderis haud secus omni
Sit tibi mens eadem prestat prudentia casu

Vel bona te lactet. mala vel fortuna flagellet
Dinc nec laude capi: nec succensere docemur
Opprobrijs si quis nos prouocet: inq; caducis
Spem nullam posuisse bonis: et spernere cuncta
Que nobis humana queat rapuisse potestas
Nec cuiq; est aliud subitum: et sua quisq; priusq;
Proferat: exacto ter verba examine librat:
Nec probat immotas: pronasve loquentibus aures:
Nec proprijs maiora humeris affectat 2 anceps
Siquid inest: consulta diu suspensa reseruat.
Namq; gerunt crebro mendacia veri
Et verum persepe latet sub imagine falsi
Si phlegeton eos cupis euasisse tyrannos
Et patrium illustrare solum; coelumq; mereri
Prudenti metire animo: quodcunq; parabis
Efficere: aut ceris mandare: aut voce profari.

¶ De sera penitentia. Ad Mattheum xi.

TE grauis incepit ferme incuruare senecta
Natiuumq; genus macies populare ruborem
Lumq; supercilijs crines candescere: iamq;
Vicinis premeris casuri finibus acui
Et tamen e veneris te consuetudine nondum
Eximio: et turpes differs abrumperе castes
Leu maioris lacerare plagas cunctatus abenas
Quo miser vsq; tuam renues curare salutem:
Jactariq; fines medio tua carbasa ponto:
Nonne vides alios inde increbrescere fluctus:
Inde tuas minui vires: nunc cornua frangi

L iij

Antenne nunc remū aliquem: atq; hincinde rudētes
Et modo sub proza: modo puppe debiscere nauis
Dum potes humane firmo temone carine
In tumido vite pelago ratione iuuari:
Incipe concessa totis ope viribus vti:
Incipe: nec leti tempus Matthee supremum
Expectare velis quis enim tibi dixerit: an sis
Seruis aut celeri clausurus lumina fato:
Pone: q; occumbas lento languore: putabis
Tene ita de facili lachrymis tua crimina posse
Abluere: et quantum sit opus: scelus omne dolores
Si venerem incipiant iuuenis feruentior atq;
Egelidus vitare senex: veniamq; precentur:
Utrum horum delicta magis plorare licebit:
Nonne senem: quia non alio placare tonantem
Auxilio valeat: sua q; peccata gemendo:
At iuuenis preter lachrymas questusq; meretur
Re quoq; cum celes ardentem sanguine vitam
Transigat et solitos caueat robustus amores
Adde aegrotantes artus: mortisq; timorem
Ne tibi corporeas sit cura futura procellas
Sedandi maior misere q; vulnera mentis:
Non debes timuisse parum. quid et illud amore
Tu ne dei potuis morientem flere putarim.
Quam triplicis terrore canis: direq; me gere
Flecte pedem: reliquosq; dies dispone: furores
Requitie cohibens inopiq; alimenta ministrans
Danaq; sincero meditaris celestia corde

Qua minime reris: fortasse vocaberis hora.

¶ Cauendum contra demonis insidias
Ad Castaldum xij.

Quam ferus humani generis consueuerit hostis
Insidias nostre sine fine parare saluti:

Atque lacessiti semper de more leonis

Rugiat in nostram concusso dente ruina:

Non opus est placide castalde vacare quieti

Non opus est lentos molli stertere lecto

Urbs facili capitur non custodita labore:

Quique lares tutore carent: sunt preda latronum

Truncari vidi semel a tyzone pusillo

Prestantem virtute ducem: dum segnis in umbra

Securusque sui gremio captaret aperto

Fronibus estiuas somnum elicientibus auras

Si versura procul vulpes. si dama latrantes

Audierit vel cerua canes. siue aera rapacis

Accipitris fluuiialis anas resonantia: sese

Protinus occultant inter dumeta lacusque

Hos quoties strepitus nostras hostilis ad aures

Venerit in blanda pigri cantabimus herba:

Foemina cum nobis nimio venit obuia cultu

Cum varias spectamus opes: laticesque falernos

Et suauis nidoze dapes: regumque fauorem

Non procul hinc animarum hostem mugire leonem

Haud dubium est. nunc mente decet nos illa sagaci

Elapsura breui meminisse: nigrumque sub illis

Abscondi virus: miserisque resurgere lites

Sepius hinc morbosq; graues: et bella cruenta
Quid stolidum magis est: q̄ longam exposcere vitā
Et tamen ignaua semper torpere quiete:
Quam si quis recta velit expendisse bilance.
Non multum a leto differre fatebitur: atq;
Vim hominis certum testabitur esse sepulchrum
Segnicie tardos conducit nemo colonos:
Quosq; piget capere arma: truci dum sidere cancer
Estuat hos merita dux concitus imperat ira
E castris procul ire suis: nec querit inertem
Vectorem extremas mercator iturus ad oras
Sic fugat agricolam multo torpore iacentem
Eterne dominus segetis: ve terq; quaterq;
Quisquis is est: cuius precordia tanta capescit
Pigricies: turpem mereatur vt inde repulsam
Hei mihi crura labunt. cor palpitat. ossa gelantur
Draq; pallefcunt: crinesq; leuantur in altum:
Dum metuo: ne Chrīste tua de messe repellat
Ab potius torque innumeris mea mēbra flagellis
Ab potius lybicos profugum me mitte per estus
Siue per arctoe crudelia frigora terre
Si neget alma mihi tellus: alimenta: diemq;
Phoebus: et vndosum contra me seuiat equor.
Et caput assiduis niger hoc petat imbribus aer:
Neq; homines habeant odio. volucresq; fereq;
Aequo animo tulerim: modo me digneris amare:
Ab pudeat celestem animū marcescere somno:
Cum videat nunq; cessare hyperiona: seq;

Ut tollant plante sublimi vertice: semper
Eniti: quoties datur exercere facultas
Incrementa sui. demiroz sepius: vnde
Tam grauiter formidet iners succumbere mortis
Cui similem vitam traduxerit. ecce propinquat
Ille dies: quo nostra salus Castalde reuixit
Christus: z infernis victor remeavit ab vmbzis
Quos laqueos lupus ille paret: que retia credis:
Hunc animis opus est nobis: nunc pectore firmo
Hunc vigili studio nos defensare necesse est.
Ille verecundo querit pressisse pudore
Ora hominū: q̄tumq; potest: effingere noxas
Maiores venia: seu persuadere: nec esse
Tartareas penas: sensum nec habere sepultos.
Hybernas citius guttas: aestatis aristas
Autumni fructus: z veris germina dicam:
Quā valeam antiqui fraudes numerare draconis:
Quas si consilio cupimus superare salubri:
Luctibus imprimis multis precibusq; supernam
Imploremus opem: dehinc nostra nouissima semp
Pectore versentur. venient ea tempora cum nos
Sub gelida claudemur humo: vermesq; vorabunt
Viscera nostra: quibus nec terra nec aequora possunt
Uberrim prebere cibos heu lumina tantis
Dedita delicijs vetitisq; vacantia ludis:
Heu cerebrum: tumido quod caeca superbia folle
Inflat: z immenso studet exequare tonanti:
Heu celeres in cuncta pedes mala: lingua dolosa:

Baudens cede manus: letiq; libidine renes.
Baudia vestra breui mors auferet: utq; volucrum
Aeris in campo vestigia nulla supersunt:
Sic nihil e vestris dabitur spectare triumphis:
Quodq; magis deflere decet: longeq; timendum
Est magis: aeterni tormenta subibitis ignis:
Dum castalde licet: somnos fugiamus inertes
Ut domino vigiles redeunte vocemur ad astra

¶ De turpi oculorum vsu xiij.

Quo plebs quo pceres ita currūt: hostis an instat
Menibus: et pulsat iam muros ariete crebro:
Siue repentino populatur praedia cursu:
Aut abigit nostra raptas ex vrbe puellas:
Ab crudele nefas: campo gladiator aperto
Conflicturus adest veteris de more theatri.
Hos ne dedit nobis genitor coelestis in vsus
Lumina: cum iubeat: ne quis sua tela cruore
Inquinet humano. que vos dementia reges
Quis furor exagitat: qui nullum creditis esse
Flagitium: immunem certanti tradere campum
Nec satis hoc: ictus repeti per sepe iubetis:
Nec pugnam dirum finitis: nisi corruat alter:
Atq; cruentatam feriat ter pectore terram.
Quam iustum foret: ut vobis spectantibus ambo
Deciderent oculi: sed vos grauiora morantur
Supplicia: est quo lenta dei magis ira potentis
Quid referam: in sacris quot quantaq; crimina tēplis
Committant oculis iuuenes mollesq; puelle:

Hinc varijs ad corda patet ferienda sagittis
Janua: quam studio si non custodiat omni
Et firmis clausam teneat mens prouida valuis
Nulla homini reliqua est fiducia: deq̄ salute
Actum anime est. heu Chresticole quo gloria gentis
Quo deducta fides: ius et fas omne profanat
Intuitu gens nostra suo: spectareq̄ mauiit
Illecebras terre: q̄ sydera: et inde beatas
Ad sedes animo ferri. viteq̄ parare
Perpetue sibi delicias. quin sepius audet
Ipsa queri: quoniam nequeant cum turpiter vti
Bruta oculis: hinc solus homo persepe feratur
In vitium pene inuitus. sat iusta querela
Hec foret: etheree si quicq̄ animalia flamme
Cetera: et humane siquid rationis haberent.
Sed cum nos virtute deus dotarit. vt omnes
Inde voluptates expugnaremus: et extra
Tonantes prescripta sibi confinia ferri
Frenaret ratio: cur iussa capessere tantum
Effugimus: tardiq̄ sumus parere morienti:
Cur: nisi q̄ blandis nimis indulgemus ocellis

¶ Admonitio valde utilis Ad Franciscum ciiij.

Quonqueris subito oblatas ad crimina plures
Esse facultates. tibi vix Francisce reuerso
In patriam: tua que perturbent pectora: queq̄
Concepto bene viuendi se opponere voto
Multiplici querant astu noctuq̄ dieq̄.
Eia age sis animo nulla formidine fracto

D

Nec te ceu domitum inuictosq; sub hoste iacentem
Desere. nec multum mirare. quod vndiq; turbe
Immineant casusq;. tibi mirabile longe
Id foret: in celum si de mortalibus vni
Semita. nec cura tibi nec sudore pateret:
Leu neq; te fallax mundus: neq; liuidus ansie
Sollicitate rebus: vel adhuc in carne rebelles
Sentires minime sensus. que iugiter ipsam
Oppugnans animam: nisi prospiciamus: in atra
Brutorum species nos illecebrosa venenis
Circeis mutare solet/gaudere iubemur
Nos quoties varie exagitant hinc inde procelle:
Et merito. que nanq; potest spes esse triumphis
Est vbi certandi nulli locus: ille vocatur
Ad palmam: quemcunq; suis fors aspera turmis
Prouocat ad pugnam. felicia castra decensq;
Luctamen: quo nemo potest inuitus ab vno
Hoste capi: nullisq; alijs: vt vincat: oportet
Se quisq; auxilijs stipet: nisi vincere vt ipse
Destinet: o felix sub E hristo principe miles:
Cuius in arbitrio est victoria semper: et omni
Premia consequitur voto maiora fideq;
Dic precor: est ne aliquid: quod amet terrena libido:
Quin sint mille prius subeunda pericula: si quis
Id cupiat quesisse sibi. feliciter actum
Esse putat secum mercator: siquid adeptus
Uberius fuerit post multa incommoda multo
Post maris et terre casus celiq; labores

Quid martis toleret miles quid amator honoris
Perferat: et quanta curarum mole prematur
Quisquis lasciuus insudat amoribus: omnes
Flouerunt iuuenes atque audiuerunt puella.
Nec igitur nos sudantes alacresque sequemur
Vilia: cumque ipsis hominum communia brutis:
Et casura breui soloque placencia fucos?
Que vero nos agminibus celestibus addunt:
Detur ut amplecti: genium nolemus inertem
Frangere: et in thalamis tuti expectabimus altis.
Donec ad angelicas nos vi deus eleuet arces:
Teu: nisi nos habeat: sua sit petitura potestas:
Si tamen hanc quam turba facit tanti improba: vitam
Captare exiguo posset conamine quisquam
Haud ita mirandum saltem foret: ille laborem
Si fugiens ignaua sequi magis ocia vellet
Quam pugnans herere deo. quod si via christi est
Lenior: et salebris nos asperioribus urget
Latum erroris iter (Stygio gens vnde sub antro
Lassatam scelerum se calle fuisse fatetur)
Nonne ingens hominum est dementia ferre labores
Nolle ibi: ad aeternam est sibi transitus vnde quietem:
Sed magis ad poenas vnde a sudoribus itur:
Ditto illud quod mundi omnes supereminet vnum
Delicias. si quanta quies / sit quanta voluptas
Turpibus exemptam vitij cognoscere mentem.
Quid presentis habent optabile gaudia vite:
Que si quis pelago querat terraue / fatigant

Partaq; cor hebetant / amissaq; duriter angunt.
Nec dubita. quin perpetua verentur erynni
Impia mens. est nanq; dei. qui fallere nunq;
Et nulla falli arte potest sententia. pectus
Doze procellosi crudele tumescere ponti.
Hinc nihil est vacuum formidine: cuncta minantur
Hinc casum inde faces: intentant omnia mortem.
Hinc ne hominum generi nos inuidisse decebit:
Et tam foeda sequi vestigia: cumq; perenni
Libertate frui liceat. nos ibimus vltro
Sub iuga: vt infausta viuentes morte cadamus
Sorte magis misera. piceoq; miserrima in igne
Supplicia impingat nostris dux inferus vmbra
Nos tam precipuis comitantibus vsq; magistris
O hominum vanis nimis obruta pectora rebus
Quis non hec videat. vel sole nitentius esse
Vera magis: q; verum ipsum? heu dementia summa
Non tamen efficiamus: que nos facienda videmus:
Tardantes coena suffixam auellere plantam
Occurrent persepe tibi et ferme omnibus horis
Plurima: que soleant humanam inuoluere mentem
Et tradere in cladem: nisi cauerit. illa profecto
Enecat ante alias nos certo vulnere pestis
Siquis amicicias. et tecta frequentat eorum:
Quorum vita aliud nihil est: q; pessimus omnis
Flagitij fomes: que tempus in omne laborat
Tartareo sub rege merens: vexillaq; mortis
Figra sequens. cumulansq; stipendia letbes

Artifices oppugnare suum et depellere coelo
Ergo age psaltiloqui monitus imitare propheta:
Vinculaq; effringas: nec triste mereris eorum
Deiecisse iugum: quos gaudia vana sequentes
Tradidit in reprobum diuina potentia sensum
Qui cum iusticie videant crebra arma superne:
Non tamen aduertunt: peragunt qui talia: quosq;
Assensum prebere iuuat facientibus: esse:
Ledis vtrosq; reos. sed te Francisce precamur:
His caueas herere quibus pulcherrima rerum
Est odio virtus. illud sub pectore fixum
Semper habe: tutum magis esse placere tonanti:
Quam cuius hominum. quare te sancta lacestat
Ambitio: et vitae iam dedignare magistros
Illos esse tuae: qui preceptore salutis
Te magis indigeant. id nempe salubrius esset:
Ut tua virtutum vestigia calle sequentes
Inciperent homines fieri: q; turpibus actis
Cum grege tam fedo tu te obbrutescere velles
Obstupeo: et nullo ferme vt lapis hereo sensu
Decum animo quoties humana negocia siue
(Verius vt referam) deliramenta voluto
Namq; sacris furoz est ingens nil credere libris
Quorum dicta probat sanctorum vita cruozq;
Confirmat ratio: solidant miracula: mundus
Lantat: apostolicus testatur cetus: et ipsa
Passim elementa docent: regesq; fatentur auerni:
Illa tamen longe est maior recordia: cum quis
D iij



Credit: at obscenis ex moribus esse videtur
Nil dubius: quin falsa fides sit nostra leuisq;
Nam si quis verum esse putat locupletibus esse
Difficilem ad superos aditum: quid iugiter auro
Tantum inhiat: querenda homini si gloria coram
Elitibus: cur humano pendemus ab ore
Palliduli: si summa probis nos astra patere
Credimus iniustis plutonia stagna videmur
Unde nihil sperare minus: q̄s gaudia celi:
Aut horrere nimis: q̄s terne ergastula sortis
Tu vero angusta contende erumpere porta
Nec: multi quid agant: circumspice: sed quid agendum
Nature lex admoneat ratioq; deusq;
Non etenim inferior fuerit tua gloria: si sis
Cum paucis foelix: nec si cum pluribus ignes
Eternos subeas: minus excruciabere: quos ut
Evitare queas: suffragia bina iuuare
Precipue poterunt: vox supplex scilicet atq;
Larga manus: nec enim nostri valet vlla facultas
Quidq; exorato sine numine: quaq; bilance
Mortales fuerint vsi: promisit eadem
Se deus vsurum. sed noli credere: cum te
Ad sanctas inuito preces: ad multa citari
Verba: sed ad lachrymas animiq; recessus.
Nil equidem curo: quanta Francisce preceris
Verborum serie: et motis q̄sepe labellis:
Sed quanto feruore: quibus singultibus intus:
Quam summissio animo: quanta virtute fideq;



Si tibi grata salus: si tuta currere puppi
Humani pelagus cupis implacabile secli.
Duraq; auernalis vitare ceraunia ponti:
Pretereat tibi nulla dies: qua membra tonantis
Non adeas semel in ligno pendentia: et illud
Prostratus clames animo: delicta tenelle
Etatis ne Chryste velis meminisse: sed huius
(Est tua que pietas) anime miserere iacentis
Postremo cunctas menti succurrat in horas
Quale tue letum sit passus amore salutis
Filius aetherei patris: et fatalia parce
Quam cito fila queant succidere: semper et inde
Leu geminis stimulis impulsus amore metusq;
Quam potes aeterni festina ad premia regni
Perbreue luctifice stadium foelicia vite.


¶ Finis primi libri.



802 1051

ULB Halle
004 974 344






Faint, illegible handwritten text, possibly a title or author's name.

Faint, illegible handwritten text, possibly a date or location.

Faint, illegible handwritten text, possibly a library stamp or additional title.





B.I.G.

Farbkarte #13

1

Adouici Bigi pictorij Ser
riēlis Christianorū opus
iber prim^o Joāni Frācil
rādule comiti Cōcordie dedicatus
L. B. C.
ous ē. s3 forte sua breuitate putabis
us. e terris stermit ad astra viam



Hecht
1740
v. 1420

